

Egg sem fara til útungunar reiknast þannig, að fyrir hvert kg eggja til framleiðslu holdakjúklinga lagt í útungunarvél reiknist 11,5 kg fódurs og fyrir framleiðslu eggja til eldis varpfugla reiknist 7,5 kg fódurs á kg eggja. Framleiðendum eggja með færri en 50 varphænur skal áætluð endurgreiðsla m.v. 12 kg framleiðslu eggja eftir hverja hænu á ári.

Framleiðsluráði er heimilt að endurgreiða framleiðendum á afurðum alifugla og svína, umfram það sem útreikningur skv. 1. mgr. þessarar gr. leiðir til, í eftirfarandi tilvikum:

1. Sé um nýbýlinga að ræða, sem vegna bústofnsauka kaupa fóður umfram það sem er eðlilegt skv. afurðum á tímabilinu.
2. Vegna áfalla í framleiðslu af völdum sjúkdóms eða óhapps, sem leiðir til þess að notkun fódurs er verulega umfram afurðir.

Framleiðsluráð reiknar endurgreiðslu skv. tölulið 1 og 2 af framlögðum gögnum, sem það telur nauðsynleg.

12. gr.

Við ákvörðun endurgreiðslu á $\frac{15}{80}$ hlutum hins sérstaka fódurgjalds hverju sinni, skal reikna fyrir hverja tegund afurðar, sbr. 11. gr., meðaltal sérstaks fódurgjalds í seldu fódri skv. skýrslum frá fódursölum, sem borist hafa til Framleiðsluráðs landbúnaðarins, yfir það tímabil sem endurgreiðslan nær til.

Hverjum framleiðanda greiðist fjárhæð, sem er margfeldi af framleiðslumagni hans og áætlaðri fódurnotkun, sbr. 11. gr., og $\frac{15}{80}$ hlutum hins reiknaða meðaltals af sérstöku fódurgjaldi, sbr. 1. mgr.

Framleiðsluráð landbúnaðarins annast þessa útreikninga og sér um greiðslur til framleiðenda.

Heimilt er að inna af hendi greiðslur, til framleiðenda á $\frac{15}{80}$ hlutum hins sérstaka fódurgjalds, með skuldajöfnunarávísun endurgreiðslureiknings, sbr. 2. mgr. Skuldajöfnunarávísun notist til fódurkaupa eða framvísist endurgreiðslureikningi, þegar fódurgjaldið gjaldfellur samkvæmt skuldaviðurkenningum fóðurinnflytjanda.

13. gr.

Reglugerð þessi er sett með heimild í 30. gr. l. nr. 46/1985 um framleiðslu, verðlagningu og sölu á búvörum og öðlast gildi 1. janúar 1986 og gildir til 30. júní 1986.

Landbúnaðarráðuneytið, 21. desember 1985.

Jón Helgason.

Guðmundur Sigþórsson.

REGLUGERÐ

um innheimtu þinggjalda á árinu 1986.

1. gr.

Þinggjöld skulu greidd á tíu gjalddögum á árinu 1986. Eru gjalddagar fyrsti dagur hvers mánaðar nema mánuðina janúar og júlí.

2. gr.

Þar til álagning liggur fyrir skal hver gjaldandi greiða á hverjum gjalddaga 13% þeirra þinggjalda er honum bar að greiða á árinu 1985.

3. gr.

Heimilt er gjaldanda að sækja um lækun á þeirri fjárhæð þinggjalda sem honum hefur verið gert að greiða fram að álagningu 1986 skv. 2. gr.

Umsókn um slíka lækun skal senda skattstjóra er úrskurðar um lækun greiðsluskyldunnar.

4. gr.

Skattstjóri skal að jafnaði ekki taka til greina umsókn gjaldanda nema rauntekjur hans hafi lækkað svo mjög milli áranna 1984 og 1985 að tekjuskattsstofn á tekjuárinu 1985 sé meira en 25% lægri en tekjuskattsstofn hans var á tekjuárinu 1984 eftir að síðarnefnd fjárhæð hefur verið hækkuð um 36%. Frá þessari reglu má þó víkja ef sérstaklega stendur á að mati skattstjóra, enda hafi fjöldkylduástæður gjaldanda breyst eða aðrar aðstæður skert gjaldþol hans verulega.

Ríkisskattstjóri setur nánari reglur um ákvörðun á takmörkun greiðsluskyldu og önnur atriði varðandi framkvæmd þessarar greinar.

5. gr.

Ákvörðun varðandi umsókn skal skattstjóri tilkynna gjaldanda og ef fallist er á umsókn skal niðurstaða einnig tilkynnt innheimtuaðila.

6. gr.

Um greiðslur þinggjalda á árinu 1986 fer að öðru leyti samkvæmt ákvæðum XIII kafla laga nr. 75/1981 um tekjuskatt og eignarskatt.

7. gr.

Reglugerð þessi, sem sett er samkvæmt heimild í 110 gr. og 119. gr. laga nr. 75/1981 um tekjuskatt og eignarskatt, öðlast þegar gildi.

Fjármálaráðuneytið, 20. desember 1985.

Þorsteinn Pálsson.

Lárus Ögmundsson.

REGLUGERÐ

um gjöld fyrir skoðun, skráningu og mælingu skipa o.fl.

1. gr.

Aðalskoðun.

Fyrir árlega aðalskoðun á öryggisbúnaði, vél og bol skips skal eigandi þess greiða í ríkissjóð sem hér segir:

	Kr.
Fyrir skip allt að 8 metrum að lengd	1 500
Fyrir skip 8 metrar að lengd til 25 brl.	2 700
Fyrir skip 25 brl. til 100 brl.	4 100
Fyrir skip 101 brl. til 250 brl.	5 400
Fyrir skip 251 brl. til 500 brl.	7 400
Fyrir skip 501 brl. til 1 600 brl.	12 000
Fyrir skip 1 601 brl. og stærri	14 300